

**ՀՀ Արագածոտնի մարզպետ Աշոտ Սիմոնյանի շնորհավորական ուղերձը
Սահմանադրության օրվա առթիվ**

Սիրելի՛ հայրենակիցներ, շնորհավորում եմ Հայաստանի Հանրապետության Սահմանադրության օրվա առթիվ:

ՀՀ Մայր օրենքը մեր պետության եւ ժողովրդի կողմից քաղաքակիրթ աշխարհի հետ ինտեգրման, ժողովրդավարական արժեքների արմատավորման, քաղաքացիական հասարակության ձեւավորման ուղիով ընթանալու հաստատակամության ու վճռականության արտահայտման լավագույն գրավականն է:

Երկրի նորագույն պատմության մեջ ՀՀ Սահմանադրությունը նպաստել է մեր անկախ պետականության կայացմանը, երկրի ներքին ու արտաքին կայունության ապահովմանը: Այն երկրի բնականոն զարգացման ու ներքին խաղաղության, ժողովրդավարության ու համերաշխության խորհրդանիշն է:

Հայաստանի Հանրապետության Սահմանադրությունը երկրի հետագա առաջընթացի հիմքն ու հենարանն է: Այն արտահայտում է մեր ժողովրդի ընտրած ուղին, ազատ, ժողովրդավարական հասարակություն եւ սոցիալական ու իրավական պետություն կառուցելու հավատամքն ու հաստատակամությունը:

Սիրելի՛ հայրենակիցներ, կրկին շնորհավորում եմ Սահմանադրության օրվա առթիվ: Բոլորիս մաղթում եմ երջանկություն, լավատեսություն, խաղաղություն եւ առաջընթաց: